



اكتأب

١١٥



اكتئابي مش زعل منك

ولا السبب عيب فيكي

اكتئابي ما هو الا

حالة شوق زيادة ليكي

.....

تعرفني إيه عن وجع القلب

اقري مذكرات واحد بيحب

الشوق مين قده

مين يقدر يعانده

لو زاد عن حده

بيقلب للضد

من مذكرات واحد بيحب



قال انا جربت الحرب

شفت الموت بعنبا

شفت وجع حواليا

لكن في الحالة دية

العاشق ده له رب

قدام الشوق

عارفة كام فشلت محاولة

لما قيس اشتاق لليلي

عاش في شجون

سموه مجنون

حكموا عليه

من غير مداولة

ازاي احبك حب عادي



وانتي واحده مش عادية  
مليش انا في الحب الهادي  
ازاي و حبيبتى استثنائية  
محصراني ملازماني معايا  
في روي مقاسماني  
اثراني وملكاني  
وبجبروت محتلاني  
نايمة بين قوسي  
وكماني وبصوتك بسمع الحاني  
بتسأليني مكانك فين ؟  
ساكنة بين قلبي وشريري  
انتي مش واحده في حياتي  
واخده من وصفي وصفاتي



جوه متحده بجيناتي  
داخله في تكويني وكياني  
فلو تلقاني مكتئب عادي  
اكتئابي مش زعل منك  
ولا السبب عيب فيكي  
اكتئابي ما هو الا  
حاله شوق زياده ليكي  
ايه العمل في الشوق  
من بعد اخر مره شفتك مفيش جديد  
وانا بحضنك  
انا مدمنك  
بتعاطي حضنك وريد  
بشوفك من بعيد ويطلع سراب



من أول ما بيدئ بعدك  
ويقل في دمي حزنك  
تبدئ أعراض الانسحاب  
متقوليش هتتعود علي بعدي  
وكلام سخيف  
دة شئ مخيف  
بتقولي للنار اتعودي تهدي  
عايزاني أحتفل بعيد استقلالي  
وقلبي محتل  
قولتيلي هتتعايش وشوقك كل مادا يقل  
وانا قتلتك  
مفيش تعايش بين جرح وخل